

VEDLEGG 2 - VURDERING AV SØKNADER, REGIONALE TILRETTELEGGINGSMIDLAR VÅREN 2021

Tiltak	Søkar	Sum søkt	Total-budsjett	Prosent	Kort omtale	Vurdering	Vedtaks- sum	I % av budsjett
1. Storfeprosjektet Vestland 2019-2023	Sogn og Fjordane Landbruks-selskap	900 000	1 310 000	69 %	Målet i prosjektet er at storfebøndene i Vestland skal ha eit moderne produksjonsapparat og driftsopplegg, der marknaden vert utnytta og investeringane står i høve til ressursgrunnlag og økonomi. Vestland skal halde på sin relative del av produksjonen av mjølk og storfekjøtt. Prosjektet jobber også for at minst 65 % av mjølka i Vestland skal kome frå lausdriftsfjøs ved utgangen av 2023. Som eit resultat av prosjektet skal det kvart år skal det byggjast 20-25 lausdriftsfjøs. Fjøs med under 30 kyr etter utbygging skal stå for minst halvparten av utarbeidde planar i prosjektet. Så lenge det er underdekking av norsk storfekjøtt, skal det i Vestland byggast framtidretta ammekufjøs for 400 ammekyr kvart år.	Prosjektet støttar opp om mjølk som berande produksjon i Vestland. Prosjektet bidreg også til ei marknadstilpassa utvikling av kjøttproduksjonen med moderne produksjonsapparat og driftsopplegg. Storfeprosjektet bør legge tilrette for godt samarbeid med andre aktørar og sikre at bonden kan gjere gode informerte val, ved val av rådgjevingstenestar. Spesielt når det gjeld mobilisering til ammeku produksjon og rådgiving knytt til ammeku bør prosjektet sikre godt samarbeid og god koordinering med prosjektet til NLR 'Utmarksbasert kjøttproduksjon'. Prosjektet bør ikkje tilby gratis tenester på områder der det er etablert betalingstenestar.	900 000	69 %
2. Utmarksbasert kjøttproduksjon	NLR-Vest SA	500 000	785 000	64 %	Hovudmålet til prosjektet er at småfe- og storfebønder i Vestland fylke skal ha eit moderne produksjonsapparat og driftsopplegg tilpassa ressursgrunnlaget den einkilde gard rår over. Prosjektet skal også løfte fram innmarksbeite som ein viktig produsent av rimelegg grovfôr. I det vidare arbeidet ynskjer prosjektet å ta tak i agronomiske utfordringar. Mange stader har innmarksbeite dårlegare produksjonspotensiale i dag enn for 20- 30 år sidan. Det er eit stort behov for å sette fokus på beitestell og beitebruk, slik at beita på nytt skal kunne stå for ein stor og viktig del av den totale grovfôrproduksjonen på gardane. Beite produserer det billegaste grovføret, og kravet til å ha dyr ute på beite vert stadig innskjerpa. Gode beite må difor lyftast fram att som ein viktig suksessfaktor for landbruksnæringa. I 2021 vil prosjektet halde fram med å sette fokus på beite som ein viktig fôrproducent.	Innmarksbeiter er ein viktig del av ressursgrunnlaget til garden. Om dei blir godt tatt vare på kan dei inngå som grovfôrproduksjonen til garden på ein gunstig måte. Prosjektet kan bidra til meir og betre grovfôrforproduksjon og bruk av lokale beiteressursar i Vestland. Prosjektet bør legge godt tilrette for godt samarbeid med andre aktørar og sikre at bonden kan gjere gode informerte val, ved val av rådgjevingstenestar. Spesielt når det gjeld mobilisering til ammeku produksjon og rådgiving knytt ammeku bør prosjektet sikre godt samarbeid og god koordinering med Storfeprosjektet. Prosjektet bør ikkje tilby gratis tenester på områder der det er etablert betalingstenestar.	500 000	64 %
3. Storfefjøs – mobilisering for fornying av driftsapparatet til lausdrift i mjølkeproduksjonen	Sogn Jord og Hagebrukskule	531 000	885 000	60 %	Prosjektet skal utarbeida planteikningar og økonomisk kalkyle for inntil 1-3 ulike alternativ for ombygging av storfefjøs og geitefjøs på Sogn jord- og hagebrukskule (SJH) frå kombinert bås- og lausdrift over til rein lausdrift. Sjølv søknaden om investeringsstøtte vil i neste omgang sendast Vestland fylkeskommune for politisk handsaming. SJH er den einaste heiløkologiske landbrukskullen i landet. Skulen har over 30 års erfaring i økologisk landbruk og over 100 års erfaring som landbrukskule. SJH tilbyr naturbruksutdanning i økologisk landbruk og gartnærning på Vg2-nivå, samt i økologisk landbruk for Vg3. Skulegardsdrifta har hatt Debiogodkjenning i fleire tiår. I økologiregelverket har naturleg nok dyrevelferdsaspektet eit stort fokus. I tråd med SJH sin profil ynskjer skulen å vere «i tet» på dette området, heller enn å verte oppfatta som «ei sinke». Skulen opplever å sakke akterut sett i forhold til andre naturbrukskular og mange privateigde fjøs. Tilsette på gard og i undervisning ved SJH skal bidra i prosjektet, i tillegg vil elevane ved skulen koplast på i stor grad. Læringspotensiale som ligg i ein slik prosess skal nyttast i størst mogeleg grad.	Prosjektet er viktig og SJH bør som den einaste heiløkologiske landbrukskullen i landet ha moderne bygg som fremmer dyrevelferd. Skal skulen halde på sin nasjonale posisjon bør bygningsmassen oppdatertast, sånn at elevane har ein læringsareana som speglar næringa dei skal ut i. Dessverre kan ikkje RT midlar nyttast til utviklingsprosjekt på eigen gard. Vestland fylkeskommune må som eigar av SJH, finne eigne midlar for å gjennomføre arbeidet.	0	0 %
4. Nettverk mjølkeforedling Vestland	Sogn Jord og Hagebrukskule	200 000	420 000	48 %	Det er 6 ysteri under etablering i Vestland fylke. Foredling av mjølk er krevjande i oppstartsfasen, og det er mange spørsmål og behov for fagleg innspel i denne perioden. Derfor ynskjer ein å etablere eit fagnettverk for foredling av mjølk, der ein innleigd kunnskapsperson kan gje veileding til ysteria. Nettverket vert leia og igangsett av kompetansenettverket for lokalmat. Nettverket skal bestå av fagsamlingar, jamnlege møter og rådgjeving, og produsentane sjølve får styre innhaldet. Nettverket vil vere over ein periode på 14-20 månader, og etter prosjektslutt kan dei 6 produsentane utrede om dei vil gå vidare med samarbeidet eller avslutte.	Det er positivt at ein ynskjer å etablere eit nettverk for mjølkeforedling i Vestland. Nettverket vil kunne spele ei viktig rolle for produsentane i ein etableringsfase. Den regionale effekten av prosjektet er avgrensa, men prosjektet er likevel viktig for produsentane, og kan bidra til å etablere eit sterkare miljø for mjølkeforedling i fylket. Det kan synast som om det økonomiske omfanget i søknaden er stort samanlikna med det som er beskrive som aktivitetar. Vi ynskjer å støtte prosjektet med inntil 100 000kr, maksimalt 50% av total kostnad.	100 000	24 %
5. Prosjekt plan for forvaltning, vedlikehald og drift av landbruksbygg	NLR-Vest SA	75 000	171 375	44 %	Prosjektet går ut på å lage eit tilbod om plan for forvaltning, vedlikehald og drift (FDV) av driftsbygningar i landbruket. Gjennom inspeksjon og sjekklister vert det laga ein tilstandsrapport som kan nyttast sum underlag for planen. Målet er å sikre ei god forvaltning av bygga, og at førebyggjande vedlikehald vert sett i system og utført før det kjem til driftsstans eller større reparasjonar.	Ved ferdigstilling av nye bygg skal FDV-dokumentasjon bli lagt fram fremlagt av entreprenørane. Dette er grunnlag for forvaltning, drift og vedlikehald av det ferdige bygget. Truleg er tidspress mer utslagjevande for manglande vedlikehald, enn manglande lister. Då er det ikkje behov dette prosjektet.		0 %

6. Dyrkingsrettleiing for Vossakvann	NLR-Vest SA	28 500	57 000	50 %	Vossakvann er ein gamal kulturplante med tradisjon tilbake i vikingtid eller eldre. Vossakvann var eksportvare i tidlegare tider og var ein plante som fantest i mange hagar, særleg på Voss. Vossakvann har potensiale for "moderne bruk" både som smakstilsetjing til matvarer og drikkevarer, men finns kun eit fåtal Kvanngardar, og eit fåtal personar med erfaring med å dyrke planten. NLR Vest ønskjer difor å lage ei dyrkingsrettleiing for aktuelle produsentar av veksten. Prosjektet starta i 2017. Denne søknaden gjeld finansiering av siste året av eit femårig prosjekt.	Det er to-tre kvanngardar i Vosseområdet der det enno veks Vossakvann. Kunnskap om Vossakvann, dyrking og bruk meir eller mindre døydd ut. Ein overfor ei utfordring når det no er etterspurnad lokalt for å bruka kvann som tilsetjing i øl, akevitt og ost. Voss Fellesbryggeri ved meieriet på Voss. Vossakvann er ei gammal kulturplante med rik historie som kan bidra til å differensiere Voss og Vestland innan lokalmat. Prosjektet får stønad til å finisjere siste året av eit fem årig prosjekt.	28 500	50 %
7. Er en lengre vekstsesong for lang for timotei ved tre høstinger?	NIBIO Fureneset	120 000	240 000	50 %	Timotei har til nå vore den viktigaste grasarten i marknadførte frøblandingar. Målet i dette prosjektet er å studere utviklinga i frøblandingar med frå 100% til 30% timotei i blanding med fleire engvekstartar i ulike mengder. Prosjektet skal sjå på samanhangen mellom timoteimengde i sådd frøblanding og avlingsstabilitet over år. Prosjektet er ei vidareføring av et igangverande forsøk («Planteutvikling i eng») som blei etablert på NIBIO Fureneset i 2019 og avslutta i 2021. Aukte grovførvilgvingar med betre kvalitet er viktig for sjølvforsyninga, og for reduksjon av metanutslipp frå drøvtyggarar. Klimaendringane har gitt tidligare vekststart som resultat av auka temperatur frå januar til april, samtidig med ein varmare haustperiode som fører til seinare vekst avslutning og innvintring. Timoteimengda i ei frøblanding forandrar seg ved konkurranse med andre sortar gjennom år. Prosjektet skal gi innspel om frøblandingar som passer best til ein lengre vekstsesong, særleg her på vestlandet, med formål om å oppnå større avling over tid og med bedre avlingskvalitet.	Handlingsplan for landbruk prioriterer auka produksjon på lokale ressursar og meir og betre grovførproduksjon. Prosjektet kan bidra til å nå desse prioriteringane. Prosjektet kan bidra til reduksjon av klimagassar gjennom betre kvalitet på grovføret. Prosjektet kan også bidra til klimatilpassing gjennom ei frøblanding som er betre tilpassa ein lengre vekstsesong.	120 000	50 %
8. Intensiv grovførrådgiving på utbyggingsbruk	NLR-Vest SA	420 000	879 450	48 %	Prosjektet skal utvikle innhald og opplegg for grovførrådgiving på gardsbruk, der målet er at bonden skal optimalisere grovførproduksjon slik at den er best mogleg tilpassa ressursane på garden og til gardbrukaren. Prosjektet vil gje rådgjeving på om lag 25 gardsbruk, der målet er å auke kvaliteten på det ferdige grovføret, avlingsauke i grovførproduksjonen og prøve ut dyrking av proteinvekster.	NLR fekk i 2020 støtte til eit prosjekt med same namn, som har sluttdato 31.12.21. Det kan ikkje gis støtte til tilsvarende prosjekt som går parallelt, og erfaringane frå det noverande prosjektet blir viktig for vurdering av ny søknad.	0	0 %
9. Fruktrote Hardanger	Hardangersmak SA	275 000	550 000	50 %	Mål for prosjektet er å skape meir omsetnad av lokal frukt gjennom Hardangersmak SA for å auke omsetningen i selskapet, sikre vidare drift og skape verdiauke for produsentar i regionen. Prosjektet ynskjer å starte opp og vidareutvikle distribusjon av sesongfrukt for å sikre Hardangerfrukt i butikkar og storkjøkken og slik auke omsetnaden for samvirket. Samvirket vil også bidra til god ressursutnytting ved å distribuere frukt som store grossistar ikkje er interesserte i. Dei ynskjer og å gjennomføre ei kvalitativ marknadsføring målretta mot HoReCa-kundar og utvalde butikkar i Hardanger, skape møteplassar mellom kundar og produsentar og utforme marknadsføringsmaterielle. Hardangersmak SA har i dag 17 eigarar.	Prosjektet samsvarer bra med prioriteringane i handlingsplanen for landbruket, men dette er næringsutvikling på bedriftsnivå som ikkje kan støttast av regionale tilretteleggingsmidlar.	0	0 %
10. Næringsutviklar Frukt Hardanger	Hardanger fjordfrukt SA	1 400 000	3 741 000	37 %	Dei 3 fruktagera i Hardanger ynskjer å utvide samarbeidet innan råvaretilgang, marknadsføring, kvalitet og næringsutvikling. Arbeidet planlegg dei å starte opp gjennom eit 3-årig prosjekt med funksjonen «Næringsutviklar frukt Hardanger». Etter prosjektperioden skal funksjonen «Næringsutviklar Frukt» vidareførast og vere ein pådrivar for fruktmiljøet i Hardanger. Oppgåver som skal løysast: utvikle Hardanger som merkevarer inkludert felles emballasje, besøk hjå produsentar, arbeide for at industri kan gjere nytte av steinfrukt som ikkje blir omsett, delta i arbeidet med Nasjonalt frukt- og sidersenter, auke produksjonen ved å auke avkastninga på eksisterande areal, kartlegge nye areal og rekruttere nye dyrkarar, legge til rette for haustetidsvurderingar i felt, etablere kvalitetskrav og samordne fruktagera sin representasjon i råd og utval.	I handlingsplanen for landbruk er det eit overordna mål at Vestland skal halde posisjonen sin som det største fruktfylket. Prosjektet som har som mål å auke produksjonen og betre kvaliteten på frukta, er positive bidrag for å nå denne målsetjinga. Initiativet som kjem gjennom søknaden frå dei 3 fruktagera i Hardanger, ynskjer me å støtte. Sum kostnad i prosjektet er høg og summen det blir søkt om er stor. Før det blir teke stilling til nivå på støtta, ynskjer me dialog med søkjar med mål om å få fram eit meir spissa og tydeleg prosjekt.	0	0 %
11. Auka produksjon og verdiskaping i frukt, bær, grønnsak og potetproduksjonen	Sogn Frukt og Grønt SA	750 000	1 500 000	50 %	Prosjektet skal setje i gang dei første tiltaka for å løyse ut auka produksjon og verdiskaping i frukt, bær, grønnsaker og poteter ut frå ny felles organisering og infrastruktur i Sogn. Primærmålgruppe er dei 150 produsentane som er medlem i Sogn frukt og grønt. Sekundærmålgruppe er produsentar i andre regionar som kan delta i resultatformidlingsaktivitetar. Prosjektet skal setje i gang tiltak for å utløyse auka produksjon og verdiskaping innan frukt og grønt. Hovudmålet skal realiserast gjennom å stimulere produksjon, teste kundebehov, profilere nyorientert frukt og bærproduksjon og profilere utvida grønnsak- og potetproduksjon. Prosjektet skal også utvikle kompetanse og samordne for å ta i bruk ny teknologi.	I handlingsplanen for landbruk er det eit overordna mål at Vestland skal halde posisjonen sin som det største frukt- og bær fylket. I følgje planen, er det også viktig å finne potensialet for vekst innan grønnsakproduksjonen i fylket. Prosjektet som kan bidra til å auka produksjon og sikre rett kvalitet, ynskjer me å støtte. Dette prosjektet har som hovudmål å stimulere til auka produksjon, men det er i liten grad definert kva tiltak som skal setjast inn for å nå måla. Søknaden syner også til ulike samarbeidspartar som kan bidra. Søknaden seier ikkje noko om kven som skal gjere kva og heller ikkje kva søkar sjølv skal bidra med. Før det blir teke stilling til nivå på støtta, ynskjer me dialog med søkjar med mål om å få fram eit meir konkret og tydeleg prosjekt.	0	0 %

12. Nasjonalt frukt- og sidersenter	NIBIO Ullensvang	400 000	1 300 000	31 %	<p>Dette er eit 2-årig forprosjekt som skal arbeide fram eit hovudprosjekt med overordna mål om å auke volumet av norskprodusert kvalitetsfrukt til konsum og vidareforedling gjennom å samle strategisk kompetanse, innovasjon og formidling i eit nasjonalt senter for frukt- og sidernæringa. Gjennom FoU og innovasjon skal senteret bidra til å auke produksjonen og forbruket av norskproduserte eple og frukt av høg kvalitet. Senteret skal samstundes sikre nok råvarer til sider og eplemøstnæringa.</p>	<p>Vestland er det største frukt og siderfylket. Det er naturleg at initiativet til eit nasjonalt senter kjem frå fylket og at målet er å etablere senteret i Vestland. Det er viktig å auke fruktproduksjonen for å ta opp konkurransen med utanlandsk konsumfrukt, og for at sidernæringa skal få nok råstoff til å utleie seg vidare. Som del av forprosjektet er det naturleg å finne fram til nasjonale ordningar som kan vere med å finansiere hovudprosjektet. Nasjonal finansiering kan gjere det lettare å få aksept for stautsen som nasjonalt senter.</p>	400 000	31 %
13. Marknadshage på Mo	Mo og Øyrane vidaregåande skule	250 000	370 000	68 %	<p>Mo og Øyrane vidaregåande skule ynskjer gjennom prosjektet å modernisere og utvide delar av grønsaksproduksjonen. I prosjektet vil dei lage dyrkingsplan og salsplan for ein økologisk marknadshage med oppstart våren 2022. Før dei etablerer marknadshagen og aukar opp produksjonen og produktutvalet sitt, ynskjer dei å teste ut nye salskanalar for lokale grønsaker. Utvikling av gardsbutikken er ein del av dette arbeidet. Sommaren 2021 skal dei også som ein del av prosjektet, testdyrke søtpoteter. Kunnskapen dei tileignar seg, ynskjer dei å dele dei som har interesse av å starte og dyrke sjølv, anten det er i ein byhage eller på ein jordbruksseigesom.</p>	<p>I hovudsak handlar denne søknaden om å utvikle ein marknadshage på Mo og Øyrane vidaregåande skule. Nær 50% av kostnadane er knytt til fysiske investeringar. Dersom det hadde vore eit ordinært gardsbruk, kunne søknaden ha vore sendt til Innovasjon Norge. Prosjektet kvalifiserer ikkje til støtte frå regionale tilretteleggingsmidlar. Skulen må finansiere dette gjennom sitt budsjett.</p>	0	0 %
14. Bondens marked Vestland revitalisering/etablering marknad utanfor Bergen	Stiftelsen Bondens Marked Norge	220 000	503 000	44 %	<p>Målet med prosjektet er å etablere Bondens marked Vestland som organisasjon, teste ut marknader nye stader og leggje tilrette for at nye produsentar nyttar Bondens marked. Prosjektet skal teste om det er grunnlag for varig drift av fleire marknader i fylket. Auken i tal produsentar i Vestland syner behov for marknader nærmare produsenten og desse har behov for stabile direktealgskanalar. I dag er det drift av marknad i Bergen, Førde, Sogndal og Florø. Nye marknader skal testast ut på Voss, Os og Øystese. Vestland er ein stor region med mange tilbydarar av lokalmat. Likevel er det få marknader i Vestland og dei som er i drift utanfor Bergen har få marknadsdagar og få deltakarar. Det kan sjå ut som marknadsplassar utanfor Bergen treng meir tilrettelegging og betre oppfølging av nye produsentar. Prosjektet meiner at det er lettare å få til faste marknader fleire stadar i fylket gjennom ein tilrettelagt prosess og ved å etablere eit selskap som dekkjer heile fylket og ikkje berre ein liten region.</p>	<p>Prosjektet kan bidra til å auke verdiskapinga knytt til lokal mat og drikke. Behovet for å arrangere Bondens marknader fleire stader i fylket har blitt diskutert ei stund. Det er positivt at det blir tatt initiativ til å danne ein organisasjon som dekkjer heile fylket og at denne organisasjonen tek ansvar for å teste ut marknadstypar nye stader. Det også positivt at nye produsentar får den støtten dei treng for å delta på marknadane.</p>	220 000	44 %
15. Forprosjekt: 100 dagar sjølvforsynt	Bjørnafjorden Landbrukskontor	375 000	625 000	60 %	<p>Bjørnafjorden landbrukskontor (Bjørnafjorden, Samnanger og Tysnes) søkjer om støtte til eit forprosjekt som skal leier fram mot eit hovudprosjekt med mål om "100 dagar sjølvforsynt" i 2025. Arbeidet vil fokusere på å styrka lokale verdikjeder, auka areal i drift og få fleire småskala produsentar for lokale marknader. Dei vil òg skapa forståing om viktigheta av lokal produksjon og jord i hevd.</p> <p>Bakgrunnen for prosjektet har dei fleste landbrukskommunane i Vestland har til felles. Mykje areal går ut av drift, landbruksseigedomane er relativt små, og den topografiske driftsstrukturen med ulendt terreng og mange små teigar gjer kommunane sårbarare overfor den pågåande strukturrasjonaliseringa i landbruket.</p> <p>Forprosjektet skal gå frå juni 2021 til juni 2022. Aktivitetene i forprosjektet er å kartlegge status i dag, hente innkunnskap, og danne grunnlag for å vurdere måloppnåing, inneleie kontakt med samarbeidspartar, forankre og synleggjere prosjektet. Dette skal danne grunnlag for utarbeiding av ein prosjektplan for hovudprosjektet.</p> <p>Alle tilsette ved landbrukskontoret vil inngå i den arbeidande prosjektgruppa. Hovudarbeidet vil gjerast av ein prosjektkoordinator. Prosjektet skal knyte til seg ei styringsgruppe bestående av representantar frå alle dei tre kommunane, og dei vil i tillegg etablere ei referansegruppe.</p>	<p>Det er svært positivt at kommunen vil ta tak i utfordringar dei ser i landbruket i regionen, og sjå på moglegheiter for utvikling av landbruket. Det er positivt at prosjektet legg stor vekt på forankring og samhandling, og at landbrukskontoret vil jobbe kunnskapsbasert. Prosjektet skal gjennomførast over tre kommunar, men vi ser at det også kan ha ein pilotteffekt for andre kommunar i Vestland. Prosjektet er svært dyrt til å vere eit forprosjekt. Kanskje bør til dømes kunnskapsdeling og nettverk få meir merksemd i eit eventuelt hovudprosjekt enn i forprosjektet, og kostnadane til kommunikasjon i eit forprosjekt synest store. Vi ynskjer å støtte prosjektet, men tenkjer at også 200 000 kr. er ein stor sum til eit forprosjekt, og det signaliserer at vi meiner prosjektet er viktig og eit godt initiativ av landbrukskontoret.</p>	200 000	32 %
16. ØKOVEKA Aurland – tilrettelegging for å styrka verdiskapinga i økologisk landbruk	Sogn Jord og Hagebruksskule	196 000	285 500	69 %	<p>Føremålet med prosjektet er å arrangere Økoveka Aurland 2021. Første økoveka vart arrangert i Aurland i 2020. Målet med arrangementet er å auke interessa og etterspurnaden etter norske, økologiske jordbruksvarer. Dette ynskjer ein å gjere gjennom å feire økologisk og biodynamisk mat, syne fram mangfaldet i landbruket, setje mat og matkultur på agendaen, leggje til rette for auka kunnskap hjå forbrukar og leggje til rette for tettare band mellom produksjon og marknad. Døme på aktuelle aktivitetar: besøksgardar, marknader, kurs, føredrag, seminar, fagdagar og debattar. Målgruppe for arrangementet er innbyggjarar i Vestland, bønder, foredling og distributørar av økologisk mat, storhushaldning, lokale hotell og daglegvaremarknaden.</p>	<p>Økoveka blir arrangert kvart år i veke 39. Per no blir det arrangert økoveke 12 stader i Norge. 3 av stadane er i Vestland: Bergen, Førde og Aurland. Ut frå rapportert aktivitet frå økoveka i 2020, er dette eit prosjekt som er i grenseland i høve til forskrifta for regionale tilretteleggingsmidlar i landbruket. Aktivitetetane i 2020 femna vidt og var i liten grad spissa mot landbruksnæringa: økomarknad, opningsfrukost, omvising i minihus, morgonbad, utekino, grønsakløft v/kokk, sal av grønsakskasse, open gard på SJH, kompostering, fermiteringskurs, frø-workshop og vinsmaking. Søknaden seier ikkje noko om erfaringane frå i fjor med omsyn til deltaking og måloppnåing og manglar mål for tal deltakarar i 2021. Landbruket er i liten grad involvert i arrangementet, utover SJH.</p>	0	0 %

17. Rekruttering til foredling og bruk av lokale råvarer	Stryn Næringshage	176 000	386 400	46 %	Prosjektet skal rekruttere og motivere lokale produsentar til å starte med lokalmatproduksjon og foredling og sal av råvarer, og skape eit miljø for lokalmatprodusentar. Målet er å auke tilbodet av lokalmat til fastbuande og tilreisande, og auke verdiskapinga lokalt. Prosjektet skal bygge vidare på arbeidet med Nordfjord Smak, og rekruttere fleire deltakarar til å fylle merkevara med innhald i indre delar av regionen. Gjennom prosjektet skal ein systematisk hente inn ønske om kva lokale produkt som er sakna hos interesserte serveringsstader, rekruttere lokale bønder/produsentar, og gjennomføre faglege samlingar for dei som ynskjer å vere med i prosjektet.	Prosjektet kan bidra til å rekruttere fleire lokalmatprodusentar, og skape eit miljø for lokalmatprodusentar i indre strøk av Nordfjord. Det er positivt at prosjektet vil kople seg på Nordfjord smak, og kan med fordel etablere eit samarbeid med miljø i omkringliggande kommunar som har god erfaring og kompetanse på lokalmatproduksjon. Prosjektet bør etablere kontakt med kompetansenettverket for lokalmat i Vest-Norge.	176 000	46 %
18. Rekruttering og kompetanseheving av fruktvin og siderprodusentar i Sogn	Sogn Frukt og Siderlaug	210 000	420 000	50 %	Målet med prosjektet er fleire produsentar som produserer sider og fruktvin, og etablere ei kjernegruppe av produsentar som kan vere motor i regionen for vidare utvikling. Fleire produsentar er i gang med testproduksjonar og to søkjer no om statleg tilveringsløyve. Det mangler ei samla produsentgruppe i Sogn som utvikler kompetanse og miljøet saman. Sogn Frukt og Siderlaug vart etablert i mars 2020 og vil vere eigar og gjennomfører av prosjektet. Dei tel i dag rundt 10 medlemmar. Deira oppgåve er å samle miljøet og bidra til ei samla innsats. Det er eit stort løft for kvar enkelt produsent å starte med kommersiell produksjon av desse varene. Gjennom å etablere eit fellesskap og ei kjerne av produsentar, trur siderlauget av det er fullt oppnåeleg å etablere ei kjerne av produsentar som kan saman dra sidereventyret vidare i Sogn.	Prosjektet kan bidra til at Vestland held posisjonen som størst innan frukt og bær og auke mangfaldet og verdiskaping knytt til lokal drikk. Det er positivt for fylket at Sogn legg grunnlaget for å etablere seg som ein sterk sider- og fruktvinregion. Det er eit viktig prosjekt som er godt gjennomarbeida, planlagt og formulert.	210 000	50 %
19. Samarbeid mellom kokker og lokalmatprodusentar sikrer utvikling og innovative lokalmatprodukter - 3	Matarena AS	200 000	410 000	49 %	Kokk - bonde prosjekt #1 blei gjennomført 2020, og kokk - bonde # 2 pågår våren 2021. Basert på gode erfaringer og godt resultat frå dei to tidlegare prosjekta blir det søkt om stønad til kokk-bonde#3. Det er totalt 32 bedrifter som har delteke fram til nå, 8 av desse har vore med på både runde 1 og 2. Produsentane har ytra ønske om meir marknadstilpassa produktutvikling fremover. Kokk-bonde#3 skal gjennomføre workshops der kokken reiser ut til garden. Nytt i denne projektrunden er at lokalmatprodusenten blir med tilbake til restauranten. Lokalmatprodusenten skal delta frå prepp til service på kokken sitt restaurantkjøkken. Lokalmatprodusentane ser råvara i bruk, kan rettlege og få innsikt i korleis kokkane jobbar. Dei kan fortelje meir om bedrifta og produktet til kokkane, serveringspersonell og direkte til gjesten. Dette vil gi utvida kunnskap om marknaden og innsikt i restauranten sine behov.	Prosjektet har fått sær gode tilbakemeldingar frå dei som har delteke og nesten alle har ytra ønske om fleire tilsvarane workshops. Det er positivt at produsentane får delta på kjøkkene og kan få direkte tilbakemeldingar frå sluttkunde. Dette er tredje gong prosjekt får støtte frå Vestland fylkeskommune, for vegen vidare bør konseptet sjå etter ein ny finansieringsmodell. Det er viktig at prosjektet inviterer bredt inn og at bedrifter som ikkje tidlegare har delteke i prosjektet blir prioritert.	200 000	49 %
20. Utvikle samhandlingsprogram for viltkjøttneringa i leiande mat- og viltkjøttregionar	Stiftelsen Norsk Hjortesenter	195 000	325 000	60 %	Prosjektet er eit resultat av forprosjektet «Mer viltkjøtt» gjennomført av hjortesenteret og støtta av Innovasjon Norge. Hjortesenteret ynskjer gjennom sitt engasjement, å ta ut ein del av potensialet som er omtala i rapporten «Handlingsplan for næringsutvikling basert på høstbare viltressursar». Formålet med dette prosjektet er å etablere eit nettverk for aktørar i viltkjøttneringa innanfor leiande viltkjøtt- og matregionar i Norge: Vestland, Innlandet og Trøndelag. Forutan å etablere nettverket, så har prosjektet som mål å skape felles forståing for situasjonen, gjera greie for mogheitene og styrke samhandlinga mellom aktørar i næringa og andre relevante næringer i Vestland fylke og andre regionar med sterke viltkjøtt- og lokalmattradisjonar, og slik profesjonalisere næringa.	Auka omsetning og foredling av viltkjøtt er eit viktig overordna mål for Stiftelsen Norsk Hjortesenter. Prosjektet det blir søkt om, er eit delprosjekt på veg mot dette målet. Handlingsplan for landbruk ser vilt som ein ressurs som gjennom betre forvaltning, kan skape tilleggsnæring og bidra til auka inntening for grunneigarane. Satsinga kan også gjere det meir løysamt å auke avskytinga slik at hjortebestanden blir redusert. Reisekostnader og arbeid samarbeidpartane skal delta med, er ikkje teke med i kostnads- og finansieringsplan. Korrigert for den delen som me godkjenner inn i prosjektet, 127 000 kr, vil støtta frå RT-midlane utgjere 43%. Dei overordna målsetjinga som dette prosjektet skal bidra til, har nasjonale ambisjonar. Det er difor naturleg å søke støtte frå nasjonale midlar til dei neste fasane.	195 000	60 %

21. Hardanger Matkulturfestival i Eidfjord 2021	Hardanger Matkultur-festival	55 000	363 000	15 %	Prosjektet er å arrangere Hardanger Matkulturfestival i Eidfjord 9-11. oktober 2021. Årets tema er Utemat - matauk frå den ville naturen, utmarkersressursar og lokal mattradisjon. Prosjektet skal formidla kunnskap om mat og mattradisjonar ved å setja lokalmat i fokus. Hardanger Matkulturfestival i Eidfjord har skapt ein møteplass og sett mat på agenda i over 15 år. Festivalen er sertifisert som miljøfyrtårn. Festivalen er godt besøkt, men ikkje stor nok til å gå rundt økonomisk. Aktivitetane i prosjektet er: marknad for lokalmat, uteaktivitetar for born, salg av tradisjonmat som gropekøkt kjøtt, mjølkekaker, nykøkt rømmegrøt, kulturelle innslag, kurs i fermentering og tradisjonbakst og Barnas Friluftrestaurant. Barnas Friluftrestaurant skal i år fokusere på utmarkersressursar og lokal mattradisjon. Barna skal kunna skapa gode haldningar og verdier til naturressursar og mat.	Prosjektet kan indirekte bidra til rekruttering til landbruket og mangfald lokalmat som er prioriterte områder i handlingsplan for landbruk, men bortsett frå det treff prosjektet mindre godt på dei prioriterte områda i handlingsplanen. Festivalen har vore gjennomført dei siste 15 åra og kan ikkje reknast som eit utviklingsprosjekt. Prosjektet har liten regional effekt eller overføringverdi.	0	0 %
22. Miljøvennlige emballeringsløsninger for lokalmatprodukter til HoReCa og Dagligvare	Matarena AS	350 000	740 000	47 %	Tiltaket skal bidra til ein meir sirkulær økonomi ved å redusere plast- og pappbruk, sørge for bruk av gjenvinnbare materialer i matemballasjen, og samtidig sikre høg matkvalitet og mindre matsvinn, et selgende design og relevant kommunikasjon. Matarena vil, i samarbeid med lokalmatprodusenter i Vestland, forsknings- og designmiljø, kartlegge, teste ut og anbefale berekraftige og miljøvennlige emballeringsløsningar rettet mot lokalmatprodukt til HoReCa og Dagligvare. Forbrukere ser etter produkt som er berekraftige og som har miljøvennleg matemballasje. Prosjektet skal konsentrere seg om produktkategorier som krevjer ulik form for emballasje: ferskt og fryst kjøtt, ost/meieriprodukter, drikke (sider og alkoholfritt) og bær og urter.	Det er positivt at produsentane i Matareana sitt nettverk jobbar mot meir miljøvennleg emballasje. Prosjektet nemner innleingsvis at det i tillegg til å bidra miljøvennleg emballasje skal bidra til å sikre høg matkvalitet og redusere matsvinn. Prosjektet omtalar ikkje tydeleg korleis matsikkerhet og matkvalitet skal sikrast under utvikling av miljøvennleg emballasje. Det er positivt at Nofima har en rolle i prosjektet. Nofima si rolle burde vore tydeligare. Prosjektet burde vurdert å ha ei kopling til mattilsynet eller andre matfageleg miljø for å sikre at matsikkerhet og matkvalitet til ei kvar tid blir tatt vare på i prosjektet.	0	0 %
23. Redusert klimaavtrykk frå Vestlandsjordbruket	Sogn og Fjordane Landbruks-selskap	800 000	3 000 000	27 %	Den 21. juni 2019 inngjekk Norges Bondelag, Norsk Bonde- og Småbrukarlag ei avtale med regjeringa om å redusere klimagassutslippa og auke opptaket av karbon frå jordbruket i perioden 2021-2030. Målet er eit mest mogleg klimavenleg og berekraftig jordbruk. Som svar på avtalen som vart inngått i juni 2019, har landbruket utarbeidd sin klimaplan. Bøndene i Vestland må bidra til å nå måla i klimaavtalen. Dette vil krevje mykje av den einskilde bonde og næringa samla. Mykje arbeid blir gjort for å redusere klimaavtrykket frå landbruket. Gjennom eit forprosjekt ynskte Vestland Bondelag på vegne av partnerskapen å kartlegge kva som blir gjort for å redusere klimaavtrykket frå landbruket i Vestland, og finne ut om vi må initiere spesifikke Vestland-tiltak for å nå målsetjingane for eit klimatilpassa landbruk i Vestland. I dette låg det også å vurdere trong for eit eige klimaprojekt i Vestland og innhald i eit eventuelt prosjektet. No ligg det føre ein søknad om tilskot til hovudprosjektet. Det vert lagt opp til eit treårig prosjekt med ein klimakoordinator i 100% stilling. Klimakoordinatoren skal koordinere klimaarbeidet som rettar seg mot bonden og gardsdrifta hans. Klimakoordinatoren må bidra til å etablere og drifte ein klimaportal for vestlandsbonden der all informasjon om klimatilpassing og klimatiltak er tilgjengeleg og alle rådgjevingstilbod vert samla. Klimakoordinatoren skal også emilom anna jobbe for at bøndene nyttar RMP-ordninga for klimarådgjeving, initiere eit årleg seminar/konferanse, og identifisere trongen for FoU-arbeid. Prosjektperioden er tenkt å vare frå 1.10.2021 til 31.12.2024.	Dette er eit viktig arbeid, og vi har tidlegare støtta forprosjektet som skulle legge grunnlaget for ei koordinert og samla oppfølging av klimaplanen i landbruket i Vestland.. Mykje skjer allereie i dei ulike organisasjonane i dag, og det er viktig at ein klarer å jobbe koordinert og samla, og lære av kvarandre. I tillegg til søkt sum til RT på 800 000 kr. er det lagt inn i finansieringsplanen finansiering frå det som blir kalla «frie midlar» frå fylkeskommunen på 600 000 kr. og 450 000 kr. frå Statsforvaltaren i Vestland. Dersom dette ikkje er mogeleg ber søkjar om at beløp av RT-midlar vert utvida tilsvarande. Det er vanskeleg å vurdere dette då sakshandsaminga ikkje skjer parallelt. Normalt finansierer ikkje fylkeskommunen prosjekt både med RT-midlar og andre finansieringskjelder, men søknaden er meldt inn i samband med sak om disponering av rekneskapsoverskot. Dette blir truleg ikkje avklara før over sommaren. Det er eit viktig tema og det ligg mykje bra i søknaden, men etter eit såpass omfattande forprosjekt kunne vi tenkt oss at ein var komen litt lenger/ klarte å synleggjere tydelegare eit forpliktande partnerskap og forankring. Andre aktørar enn prosjektleiar si deltaking blir ikkje spesifisert, utover å vise til aktuelle samarbeidspartar og at det skal etablerast ei styringsgruppe. Arbeidet bør konkretiserast tydelegare i ein prosjektplan, og forankring og involvering frå andre bør også konkretiserast. Vi ser også at til dømes målsetjingane kunne vore jobba meir med. Prosjektet er for uferdig, og det er vanskeleg å støtte heile prosjektperioden no. Med håp om å bli eit nasjonalt pilotprosjekt, bør ein sjå om det er mogleg å løyse ut nasjonale midlar. Vi går inn med tilskot for 2021 og 2022 no, og så må det søkjast på nytt seinare. Vestland fylkeskommune har starta opp planprosessen med utarbeiding av ny regional plan for klima. Denne planen skal vedtakast hausten 2022. Det er ynskjeleg at prosjektet også koplar seg på denne prosessen, som ein ressurs knytt til kopling mellom klimaavtalen nasjonalt og målsetjinga regionalt	600 000	20 %
24. Nye forretningsmuligheter for norsk ull. Innovasjon og nettverk	Industriutvikling Vest	300 000	600 000	50 %	Prosjektet er eit forprosjekt. Prosjektet skal jobbe med korleis skrap-ull(restavfall) kan bli brukt til nye produkt, til dømes bio-gjødsel, ull-pellets, ull som isolasjonsmateriale osv. Prosjektet har som hovudmål 1) Finne nye bruksmåtar for norsk skrap-ull, 2) Vurdere ull i eit sirkulærøkonomisk perspektiv for å redusere restavfallet og 3) Avklare grunnlaget for bedriftsnettverk etc. som kan bidra til eit meir systematisk arbeid med innovasjon av norsk ull. Ideen til prosjektet kjem frå landbruksaktørar, organisasjonar og næringslivsaktørar i Nordhordland som har tatt kontakt med il inkubatoren Industriutvikling Vest som ein profesjonell part for å sjå på moglegheitane for innovasjonsprosjekt med norsk ull. Prosjektet opplyser at Norlia ull AS årleg har fleire hundre tonn skrap-ull. Store mengder uvaska skrap-ull ender opp i restavfall, blir deponert sammen med anna avfall eller går til forbrenning, i staden for å bli gjenvunnet og brukt til nye produkt. Med EU sine skjerpa krav til materialgjenvinning, er det et stort behov for å finne gode løsningar.	Prosjektet adresserer eit kjent problem, skrap-ull. Prosjektet skisserar innovasjonspotensial knytt til denne ressursen. Det er nyttig at prosjektet fokuserer på innovasjonar og at det er forskarar som er kopla til prosjektet. Prosjektet må heile tida ha med seg dokumentasjons krav knytt til produkt som skal ut i ulike marknader (Norsk rapport vol.4, nr.12, 2019). Prosjektet må knyte til seg forskarar som kan bidra til ulike dokumentasjonkrav. Prosjektet er økonomisk omfattande til å vere eit forprosjekt. Timesats for eigeninnsats skal vere 700 kr. Prosjektet er derfor tatt ned.	200 000	33 %

25. Prosjekt skogsvegplanlegging	Sogn og Fjordane Skogselskap	500 000	2 420 000	21 %	<p>Prosjekt skogsvegplanlegging har som mål å leggje til rette for optimal utnytting av skogressursane på Vestlandet gjennom langsiktig arbeid med planlegging og organisering av rasjonelle skogsvegprosjekt i samarbeid mellom dei mange mindre skogeigedomane i Vestland. 2021 er fjerde året Sogn og Fjordane Skogselskap driv prosjektet, som har 2 tilsette skogsvegplanleggjarar. Søkjar ynskjer å ha meir aktivitet i heile Vestland og vil auke opp aktivitetsnivået frå 2 til 2,5 årsverk.</p> <p>Den planta kulturskogen i Vestland er ofte planta i bratte lier, og langt frå eksisterande vegnett. For å få tilgang på desse ressursane så er ein ofte heilt avhengig av å bygge skogsbilveg, evt. traktorveg. Planlegging av ein slik veg er omfattande og tidkrevjande, og difor er behovet stort for at skogeigarar på Vestlandet har moglegheit til å søkje råd hjå rutinerte og dyktige vegplanleggjarar som har jobba med dette i mange år.</p> <p>Målgruppa er skogeigarane i Vestland - i alt ca. 17.500 eigedomar med potensiell trong for skogsvegrealisering i samarbeidslysingar. I tillegg kjem aktuelle samarbeidspartnarar i verdikjeda for skogavverking.</p>	<p>Situasjonen for dei fleste skogeigarar er at dei tek ut skog berre ein gong, og realisering av uttak og skogvegbygging er ein svært langsiktig prosess. Det er stort behov for kunnskapspåfyll, for å realisere potensiale i skogen. Prosjektet er viktig, og det er gledeleg at det vil rette seg mot større deler av fylket. I 2020 peika vi på at prosjektet etterkvart over i ein driftsfase, og det kan drøftast kor lenge desse midlane skal nyttast til slike tiltak. Vi vel likevel å gå inn med ein sum, og det gjer vi i 2021 også – for dette er eit svært viktig arbeid. Samstundes bør det i 2021 avklarast korleis arbeidet skal finansierast vidare.</p>	500 000	21 %
26. Søkna om midlar til rekruttering, kompetanseheving og næringsutvikling i landbruket	Askvoll kommune (Hyllestad og Fjaler)	325 000	650 000	50 %	<p>Gjennom prosjektet ynskjer den felles landbruksforvaltninga i Askvoll, Hyllestad og Fjaler å styrke rekrutteringa og setje fokus på utfordringane som landbruksnæringa vil møte dei neste åra. Tiltak dei ynskjer å gjennomføre: * analysere landbrukseigedomane og lage framtidplan for eigedomane/eigarane som vil utvikle eigedomane * analysere driftsbygningane i mjølkeproduksjonen, lage plan for å tilpasse dei til bygningskrava som kjem i 2024/2034, driftsplanar og eventuelt søknad om finansiering * setje fokus på og auke kunnskapen om juridiske og økonomiske tilhøve kring generasjonsskifte * auke kunnskapen om skogsdrift og bygging av skogsvegar *stimulere til anna næringsverksemd knytt til landbruksnæringa *auke kunnskapen og motivasjonen i landbruksnæringa for å bidra til at samfunnet når miljøkrava.</p>	<p>Det er svært positivt at landbruksforvaltninga ynskjer å jobbe med utvikling i landbruksnæringa. Dei omtala utfordringane, har dei tre kommunane felles med mange andre kommunar i fylket. Ambisjonane i prosjektet er store og tiltaka femner breitt. Det går ikkje tydeleg fram kva aktivitetar som skal gjennomførast i prosjektet. Mange av tiltaka blir det nok alt jobba med i regionale prosjekt som kommunen kan spele på. Kostnad- og finansieringsplanane er mangelfulle. Ut frå omtale, verkar det som store delar av kostnadane skal gå til å finansiere rådgjeving. Kommunen sine lovpålagde oppgåver knytt til miljøkrav, kan ikkje få støtte frå dei regionale utviklingsmidlane. Fylkeskommunen vil gjerne bidra med informasjon om prosjekt som er på gang og krav til prosjektsøknad. Kommunane vil då få eit betre grunnlag til å vurdere kva behov som ikkje er dekkja og eventuelt kome tilbake med ny søknad.</p>	0	0 %
27. Utbygging til lausdrift på Gilbakken Gard	Gilbakken Gard	4 675 000	7 600 000	62 %	<p>På Gilbakken Gard driv dei med kjøt- og mjølkeproduksjon. Dei vil bygge eit tilbygg på den eksisterande driftsbygningen, slik at dei kan leggje om frå bås fjøs til lausdrift og auke mjølkekvoten. Dei har fått støtte frå Innovasjon Norge og kraftfondet i Voss herad.</p>	<p>Søknaden er utanom det vi kan støtte med desse midlane. Søknaden høyrer heime hjå Innovasjon Norge og kommunen som dei allereie har fått støtte frå. Regionale tilretteleggingsmidlar skal ikkje gå til etablerarstøtte, eller bedriftsutviklingsprosjekt (investerings- og utviklingsprosjekt på eigen gard). Midlane skal heller ikkje gå til investeringar i bygg og liknaden eller til å bygge opp ei bedrift sin eigenkapital. Sidan søknaden var utanom ordninga blei det skrive eit administrativt avslag før framlegging av samla vurdering til partnerskapen.</p>	0	0 %
28. Lever Lokalt - nettside for bestilling av produkter fra småskalaprodusenter	Skakke Røykeri AS	801 500	1 404 500	57 %	<p>Skakke Røykeri AS søkjer om støtte til å utvikle ei nettside som skal bli ein felles portal for småskalaprodusentar som vil selge produkta sine. Produkta skal bli transportert ut til kunde/utleveringsplass etter bestilling. Prosjektet ynskjer å dekke gapet som er mellom daglegvarekjedane og REKO-ringen. Nettsida skal representere lokalmat-Noreg ut til alle som ønsker kjøp av produkta på landsbasis, i tillegg til å kunne velje seg ut økologiske produkt, diett- og/eller allergenvenlege produkt. Det blir søkt om støtte til mange forskjellige utgiftspostar, mellom anna datautstyr, emballasje for utlevering, klede, nettside, løn og nettside.</p>	<p>Dersom eit prosjekt med effektivt sal og distribusjon av lokalmat lukkast vil det vere positivt for produsentane. Det er mange slike initiativ, og i 2020 av slo vi ein liknande søknad. Søknaden er utanom det vi kan støtte med desse midlane. Regionale tilretteleggingsmidlar skal ikkje gå til etablerarstøtte, eller bedriftsutviklingsprosjekt. For støtte til slike må prosjekt søkjar vende seg til kommunen eller Innovasjon Norge for å høyre om dei har aktuelle ordningar. Sidan søknaden var utanom ordninga blei det skrive eit administrativt avslag før framlegging av samla vurdering til partnerskapen.</p>	0	0 %
29. Spiro AS- Inn på tunet	Spiro AS	200 000	8 650 000	2 %	<p>Spiro AS skal tilby eit Inn på tunet tilbod for dei sårbare gruppene i samfunnet. Med tilbod om aktivitet og arbeidstrening innan naturbaserte oppgåver. Dei ynskjer å leggje til leggje for ulike grupper, som til dømes barn og unge i skule og oppvekst som skal få ein alternativ læringsarena. Rus og psykiske helse, flyktningtenesta, eldreomsorg. Dei skal tilby dyrking av lokalmat. Spiro AS skal ha frilandsproduksjon, samt veksthusproduksjon av grønnsaker, frukt og bær. Dyrestell er og med i kvardagen. Veksthus på 2000m2 skal byggast. Kostnadane i prosjektet er mellom anna kjøp av eigedom, grunnarbeid, kjøp og montering av veksthus og oppstart av arbeidsretta tiltak.</p>	<p>Dersom er positivt med fleire som vil satse på Inn på tunet, men søknaden er utanom det vi kan støtte med desse midlane. Regionale tilretteleggingsmidlar skal ikkje gå til etablerarstøtte, eller bedriftsutviklingsprosjekt. For støtte til slike prosjekt søkjar vende seg til kommunen eller Innovasjon Norge. Sidan søknaden var utanom ordninga blei det skrive eit administrativt avslag før framlegging av samla vurdering til partnerskapen.</p>	0	0 %
30. Utvidet tilbud til hundeeigere	Tove Lise Norgrenn Hundehotel	375 000	500 000	75 %	<p>Tone Lise Nordgrenn hundehotel har fått merkbar redusert aktivitet på grunn av Covid-19. Markedet etterspør hente og bringe-tjenester, og lufing frå heimen. Areal ligg vanskeleg til for hundeeigarar utan bil og i ein travel kvardag. Dei søkjer om støtte til å kjøpe og profilere ein varebil for å nå ein større marknad.</p>	<p>Regionale tilretteleggingsmidlar skal ikkje gå til etablerarstøtte, eller bedriftsutviklingsprosjekt. Søknaden er ikkje innanfor landbruk eller landbruksbaserte næringar. Søkjar kan vende seg til kommunen for å høyre om dei kan rådgje om det finnst aktuelle ordningar. Sidan søknaden var utanom ordninga blei det skrive eit administrativt avslag før framlegging av samla vurdering til partnerskapen.</p>	0	0 %

31. Kjøtbuo	Knut Johan Nerhus	785 000	1 570 000	50 %	Eit mindre gardsbruk, som har stort behov for tilleggsnæringar. Dei vil bruke det dei har av egne ressursar for å møte framtida. Kjøtbuo skal bli gardsbutikk, serverings- og forsamlingslokale med hovudfokus på eigenproduserte økologiske kjøtvarer av høg smaks kvalitet.	Det er positivt at fleire vil nytte ressursane på garden og satse på tilleggsnæringar, men regionale tilretteleggingsmidlar skal ikkje gå til fysiske investeringar og heller ikkje til etablerarstøtte, eller bedriftsutviklingsprosjekt som dette må reknast som. Søkjar har søkt Innovasjon Norge og kommunen, og det er meir aktuelle mottakarar for ein slik søknad. Sidan søknaden var utanom ordninga blei det skrive eit administrativt avslag før framlegging av samla vurdering til partnerskapen.	0	0 %
32. Hagane på Flatlandsmo	Anders Flatlandsmo Marknadshage	400 000	2 386 000	17 %	Hagane på Flatlandsmo er eit enkeltpersonføretak, som har som føremål å dyrka 6 dekar urter, bær og grønnsaker for sal, og skapa eit miljø for økologisk, innovativ og bærekraftig produksjon av grønt. Føretaket er lokalisert på garden Flatlandsmo der søkjar har odel. I teståret 2020 var det stor pågang frå reisande som ville læra om kva dei heldt på med, frå lokale som ville ha økologisk grønt, og frå skular og studiegrupper som ville koma på besøk eller ha innspel på seminar ol. Søkjar vil drive marknadshage, og driva planteproduksjon på ein økologisk og bærekraftig måte for å kunna tilby den lokale marknaden kortreiste ferske og foredla produkt av høgste kvalitet. Søkjar vil også drive kulturplante-hagar, og har mellom anna drive eit testprosjekt med Vossakvann. Dei vil også etablere og drive eit areal som andelshage og legge til rette for eit Inn på Tunet tilbod på garden. Reiselivstilbod og open gard er også aktuelt, og dei vil lage ein natur/kultursti for å formidle kunnskap. Søkjar har søkt både Innovasjon Norge og kraftfondet i Voss herad. Dei har førebels fått støtte for eitt år. Kostnadane i prosjektet er mellom anna konstruksjon av hagar, driftsmidlar, driftsanlegg og infrastruktur.	Det er positivt at fleire vil nytte ressursane på garden og satse på tilleggsnæringar og marknadshagar, men regionale tilretteleggingsmidlar skal ikkje gå til fysiske investeringar og heller ikkje til etablerarstøtte, eller bedriftsutviklingsprosjekt (investerings- og utviklingsprosjekt på eigen gard) som dette må reknast som. Søkjar har søkt Innovasjon Norge og kommunen, og det er meir aktuelle mottakarar for ein slik søknad. Fylkeskommunane har høve til å støtte tilretteleggande prosjekt som legg grunnlag for fleire marknadshagar eller andelsbruk, men ikkje støtte til det einskilde bruket. Sidan søknaden var utanom ordninga blei det skrive eit administrativt avslag før framlegging av samla vurdering til partnerskapen.	0	0 %
33. Etablering av forum for landbruksplast	Bioregion Institute	150 000			Flytta til Handlingsprogram for innovasjon og næringsutvikling (HNV), då søknaden passa betre under den ordninga.			